



ҚУРИЛИШ ВА УЙ-ЖОЙ КОММУНАЛ ХЎЖАЛИГИ ВАЗИРЛИГИДА

ҲАМКОРЛИК АЛОҚАЛАРИ ЯНАДА РИВОЖЛАНМОҚДА



Қурилиш ва уй-жой коммунал хўжалиги вазири ўринбосари Давронжон Адилов Хитой Халқ Республикасининг Уй-жой қурилиши, шаҳар ва қишлоқларни ривожлантириш вазири ўринбосари Qin Haixiang бошчилигидаги делегацияни қабул қилди.

Учрашув аввалида таъкидланганидек, давлатлар ўртасидаги муносабатлар икки давлат раҳбарларининг ўзаро бор-

ди-келдиларида, олий даражадаги учрашув ва музокараларида янги босқичга кўтарилди бормоқда. Музокаралар даво-

мида шунингдек, реновация лойиҳаларини амалга оширишда Хитой тажрибасини ўрганиш ва хитойлик экспертларни мазкур лойиҳаларда консультант сифатида жалб қилиш юзасидан фикр алмашилди. Конструктив ва қизгин фикр-мулохазаларга бой тарзда ўтган учрашувда амалга оширилаётган ҳамкорлик лойиҳалари ҳам муҳокама қилинди. Хусусан, юртимизда Хитойнинг CAMCE, CITIC, China State Construction ва бошқа қатор

етакчи пудрат ташкилотлари иштирокида йирик лойиҳалар амалга оширилаётганлиги алоҳида урғу берилди. 2025 йилда Ёшлар ўртасидаги Осиё ва Парасиё ўйинлари ўтказилиши кўзда тутилган Олимпия шаҳарчаси, чинакам экологик ва ақлли шаҳар бўлиши кутилаётган "Янги Тошкент" лойиҳаси, транспорт ва йўл инфратузилмаси соҳасидаги лойиҳалар ана шундай самарали тадбирлардан саналади.

Германиялик мутахассислар билан учрашув

Қурилиш ва уй-жой коммунал хўжалиги вазирилик ҳамда Германия халқаро ҳамкорлик агентлиги (GIZ) ўртасида имзоланган вазифалар доирасида Техник меъёрлар ва стандартлаштириш илмий-тадқиқот институти мутасаддилари учрашув ўтказдилар.



Унда биналарнинг энергия самарадорлигини оширишга доир 9 та ШНҚни модернизация қилиш, Нукусдаги "Пилот" лойиҳа асосида турар жой биналари бўйича қўлланма ишлаб чиқиш, ҳамкорликда энергия самарадор биналарни рағбатлантириш тизимини яратиш, қўшма лойиҳа доирасида Энергия аудит стратегиясини ишлаб чиқишда Германия тажрибасидан фойдаланиш,

2024 йилнинг август ойи сўнгида яқиний лойиҳани амалга ошириш учун Нукуста ташрифи ташкиллаштириш, ташриф давомида уй-жой эгаларига лойиҳа бўйича тақдирот қилиш каби масалалар муҳокама қилинди. Шунингдек, GIZ ва институт ҳамкорлигида қурилиш ва коммунал соҳада устувор вазифалар бўйича истиқболдаги лойиҳалар режаси ҳам келишиб олинди.

Университетда очик мулоқот

Ўзбекистон Республикаси Президенти раҳбарлигида муҳандислик соҳаларида кадрлар тайёрлаш ва олий таълим муассасалари фаолиятини янада такомиллаштириш масалалари юзасидан ўтказилган видеоселектор йиғилишида белгиланган вазифалар юзасидан Қурилиш ва уй-жой коммунал хўжалиги вазирилик мутасаддилари Тошкент архитектура-қурилиш университетидеда очик мулоқот ўтказилди.


Учрашув давомида соҳага доир бир қатор устувор масалалар муҳокама қилинди. Хусусан, шаҳарсозлик нормалари ва қоидаларини қайта кўриб чиқиш, уларни амалиётда қўллаш билан боғлиқ муаммоларни таҳлил қилиш ва халқаро норматив-техник ҳужжатларга мувофиқлаштириш ишларига университетнинг малакали профессор-ўқитувчиларини жалб қилиш ҳамда соҳадаги устувор, долзарб масалалар бўйича қўшма тадқиқотларни амалга ошириш белгиланди. Шунингдек, норматив ҳужжатлардаги атамаларни тизимлаштириш орқали ўқув режа дастурларига мувофиқлаштириш, ҳамкорликда лаборатория фаолиятини таҳлил қилиш



ҳамда такомиллаштириш, муаммоларни банкни яратиш ва бу борада тадқиқотларни амалга ошириш, ўқув режа ва дастурларни халқаро талаблар асосида қайта кўриб чиқиш ҳамда ривожлантириш, меморандум имзолашга ва ҳамкорликдаги вазифаларни "Йўл харитаси" асосида бажаришга келишиб олинди.

Қурилиш-монтаж ишлари учун қандай қулайликлар яратилмоқда?

Жорий йилнинг ўтган даврида қурилиш ишлари ҳажми салкам 60 трлн сўмга етиб, ўтган йилнинг мос даврига нисбатан 107 фоизга ортгани бу фикрнинг исботидир. Шунингдек, бугунги кунда 31 мингдан ортиқ қурилиш-пудрат ташкилоти рўйхатга олинган бўлиб, улар томонидан ҳудудларда замонавий бино-иншоотлар барпо этиш борасида муайян ишлар амалга оширилмоқда. Ўз навбатида бу жараёнда қурилиш-пудрат ташкилотларига қулайлик яратиш ҳам муҳим аҳамиятга эга.



Илгари қурилиш ишлари бўйича буюртмачи ва пудратчи ташкилотлар томонидан имзоланган шартномага кўра бажарилган ишлар тўғрисидаги ҳисобот ёки ҳисобварақ-фактуралар қоғоз кўринишида, яъни турли бюрократик тўсиқларга дуч келинган ҳолда расмийлаштирилди. Бу эса, пудрат ташкилотлари томонидан бажарилган қурилиш ишларини ўз вақтида расмийлаштириш ва маблағлар ажратилишида сунъий тўсиқларга сабаб бўларди. Жорий йилнинг 29 январь куни кенгайтирилган тарзда ўтказилган йиғилишда Президентимиз томонидан соҳада рақамлаштириш жараёнларини кенгайтириш, бюрократик тўсиқларни янада қисқартириш, бу борадаги иш юритишда шаффофликни ошириш ва молиялаштириш тизимини такомиллаштириш бўйича бир қатор вазифалар белгилаб берилди.

Шундан келиб чиққан ҳолда қурилиш-пудрат ташкилотлари ва буюртмачилар ўртасида расмийлаштирилмаган ҳужжатларни замонавий ахборот-коммуникация технологиялари ва илгор инновацион дастурий таъминотларни кенг жорий этиш орқали қурилиш объектларида бажарилган ишларни ҳисобга олиш, уларга ўз мuddатларида маблағларни ажратилишини таъминлаш мақсадида, жорий йилнинг 12 июнида "Ҳукуматнинг айрим қарорларига ижтимоий ва ишлаб чиқариш инфратузилмасини ривожлантириш бўйича давлат дастурларини шакллантириш ва амалга ошириш жараёнларини самарали ташкил этишга қаратилган қўшимчалар киритиш тўғрисида" Вазирлар Маҳкамасининг қарори қабул қилинди. Мазкур ҳужжатга асосан, Ҳукуматнинг тегишли қарори билан тасдиқланган "Ҳисобварақ-фактураларнинг" шакллари

ҳамда уларни тўлдириш, тақдим этиш ва қабул қилиш тартиби тўғрисида"ги низомга ўзгартириш ва қўшимчалар киритилди. Хусусан, жорий йилнинг 1 октябрдан эътиборан бюджет тизими ҳисобидан молиялаштирилмаган объектларда бажарилган қурилиш-монтаж ишлари топширилганда, янги шаклдаги ҳисобварақ-фактура орқали тақдим этилиши белгиланди. Шу билан бирга, марказлаштирилган манбалар ҳисобига бажарилган қурилиш ишлари бўйича пудрат ташкилотлари ҳисоботларини рақамлаштириш ҳамда амалга оширилган харажатларни молиялаштиришни такомиллаштириш, келгуси йил Ижтимоий ва ишлаб чиқариш инфратузилмасини ривожлантириш дастури доирасида амалга оширилмаган лойиҳалар бўйича лойиҳа-қидирув ишлари, лойиҳа-смета ҳужжатларини кўриб чиқиш ва давлат экспертизасидан ўтказиш би-

лан боғлиқ харажатларни жорий йилда молиялаштириш белгилаб қўйилди. Мазкур электрон ҳисобварақ-фактура пудрат ва буюртмачи ташкилотлар томонидан объектларда бажарилган ишлар ва улар учун марказлашган ҳолда ажратилган маблағларни ўзлаштирилишида шаффофликни таъминлашга хизмат қилиб, соҳа ривожига ижобий таъсир кўрсатади. Шунингдек, бу ўзгаришлар Ўзбекистон Республикасининг ижтимоий ва ишлаб чиқариш инфратузилмасини ривожлантириш дастурлари ҳамда бюджет тизими ҳисобидан молиялаштирилмаган дастурларни ўз вақтида, тўлиқ ва сифатли амалга ошириш, соҳада самарали назорат механизмлари ва замонавий ахборот технологияларини жорий этиш, лойиҳалар иштирокчилари ва назорат қилувчи идораларнинг масъулиятини оширишга олиб келади.

Куз-қиш мавсуми масаласида йиғилиш

Кўп квартиралли уйлари куз-қиш мавсумига тайёрлаш, бу йўлда давлатимиз раҳбари томонидан белгиланган топшириқлар ижросини қатъий таъминлаш ҳамда аҳоли учун қулай шароитларни яратишни ташкил этиш масалаларига бағишланган йиғилиш бўлиб ўтди.

Унда Қурилиш ва уй-жой коммунал хўжалиги вазири ўринбосари Озода Жўраева, Тошкент шаҳри прокурори ўринбосари Ҳабибулла Мирсоатов ҳамда Тошкент шаҳар Уй-жой коммунал хўжалиги бош бошқармаси бошлиғи Шохрух Раҳимжонов иштирок этиб, соҳадаги долзарб вазифалар, ютуқлар ва мавжуд камчиликлар хусусида муҳокама ўтказдилар. Даставвал, ўтган даврда соҳани такомиллаштириш йўлида амалга оширилган ишлар юзасидан туман масъуллари ҳисоботи тингланди.

Шунингдек, вазирилик ва прокуратура масъуллари томонидан ташкил этилган назорат тадбирлари, унда аниқланган бир қатор масалалар бўйича фикр-мулоҳазалар алмашилди. Танқидий ва муҳокамаларга бой бўлган тадбирда мутасаддилар томонидан бошқарув ташкилотлари олдида қўйилган муҳим вазифалар, мавжуд камчиликларнинг олдини олиш ва энг асосий, халқнинг эътирозига сабаб бўлиши мумкин бўлган жиҳатларга эътибор қаратиш лозимлиги таъкидланди.





